



A lokisetse Morena Sechaba se phethehileng. (Luka 1:17)

Tel: 28 350 466/ 62600983 (WhatsApp)

MOELETSI OA BASOTHO


PARARE DOMINO PLEBEM PERFECTAM

**O fa ba
Botswana tsebe**


5

**O loanela
likolo**

6



A TINGOE BEILE

**Access Our Books on Akello Library!**Explore a wide range of our books anytime, anywhere.
Visit Akello Library today and start reading!

#ReadAnywhere #AkelloLibrary #ExploreMore

<https://library.akello.co/downloads>**Follow the link**

MOELETSI

Boitšireletso bosholung

Lesotho le lebile palong ea sechaba

Nthabeleng Seitlheko

Lefapha la Lipalo Lesotho le ketekile Letsatsi la Afrika la Lipalo ka la 18 Pulungoana monongoaha.

H'a fana ka puo lebitsong la Mongoli e Moholo oa Lekala la Lichelete le Meralo, Mookameli Ofising e ikarabellang Litabeng tsa Tšalo-morao ea Bophethahatsi le Tlhahlobo, 'Malefu Khanyapa o bontšitse hore kajeno lipalo ke sebetsa sa bohlokoa ho etsa sechaba se tsoetseng pele.

A re litholoana tsa lipalo tse nepahetseng ke ho netefatsa ponaletso esita le puso e ntlafetseng. A re marang-rang a bohlokoa nakong eo ho nkoang lipalo hobane a bebofatsa mosebetsi o mongata o ka etsoang ka mekhoea ea khale e neng e sebelisoa ho nka lipalo.

Khanyapa o re lipalo li thusa naha ka 'ngoe ho bona khole, ho sheba hore na e kae le hore na ke eo naha ka 'ngoe e ka e etsang ho fenyha liqholotso tseo e tobaneng le tsona.

"Lipalo li ka boela tsa sebelisoa ho thusa ho boloka khotso ka ho rarolla a mang a mathata ao naha e kopanang le 'ona." A hlalosa joalo. A re khole ea moruo ka kakaretso e itšetlehile holim'a ho fana ka lipalo tse nepahetseng, 'me li sebetsa e le borokho lipakeng tsa 'muso le sechaba.

Ho sa le joalo, Mookameli e Moholo Lefapheng la Lipalo, 'Malehloa Molato o bontšitse hore taba ea ho keteka Letsatsi la Lipalo Afrika e qalile moo linaha tsa Afrika li ileng tsa elelloa hore lipalo li bohlokoa, 'me tsa rala hore letsatsi leo le ketekoe selemo le selemo.

O re ka letsatsi leo bona e le lefapha ba tsebisa sechaba bohlokoa ba lipalo, le hore na likatleho le liqholotso ebile life tseo ba thulaneng le tsona. A re joalokaha 'moko-taba selemong sena e le tšebeliso ea marang-rang ho netefatsa boiketlo ba sechaba, Lefapha la habo le ne le se ntse le sebelisa marang-rang palong ea sechaba ka selemo sa 2016.

O supile hore tšebeliso ena ea marang-rang e ile

ea bebofatsa mosebetsi oa ho nka lipalo le ho fokotsa litjeo kaha ba ne ba se ba tlohelletse mokhoa oa khale oa ho nka lipalo. Molato a re machaba a thoholetsa taba ea ho nka lipalo ka tsela e nepahetseng kaha li thusa ho bopa maano a linaha.

O re ba boetse ba ipapisitse le Lipehelo tsa Moshoelella tsa Machaba (SDGs) haholo ea bo 16 e buang ka ho netefatsa puso e kenyeletsang bohle, moo a itseng ha ba nka lipalo ba li nka hohle literekeng tse 10, 'me ba kenyeletsa motho ka mong.

aba kamor'a lilemo tse ling le tse ling tse 10.

Takalimane o re ha joale ba se ba le malala-a-laot-soe boitokisetso ba palo ea sechaba e tlang ho qala ka la 12 'Mesa isao. A re ba se ba sehile mabatoona, 'me le tokomane e ba lumellang ho etsa tšebetso ea palo ea sechaba e se e le teng esita le lisebelisoa tse hlokalahalang ho etsa palo ea sechaba.

O bontšitse hore kahar'a palo ea sechaba ba sheba hore na sechaba se phela hokae hape se phela joang, 'me seo se ba thusa le ho



A re lipehelo tsena li boetse li bua ka ho ba le lipalo tse kenyeletsang khotso, puso le tšireletseho tse ka bapisoang le lipalo tsa linaha tse ling ha ho buoa ka khotso, puso e ntlafetseng esita le tšireletseho.

Ofisiri e Ikarabellang Palong ea Sechaba, Lehlohonolo Takalimane o bontšitse hore palo ea sechaba e qalile selemong sa 1875 Lesotho mona. A re Lesotho le ile la qala ho sebelisa mekhoea ea mahlale ho tloha ka selemo sa 1936, esita le hona ho tekana litumellano tsa machaba, ho bala sech-

etsa liphuputso tse ling.

H'a phethela o itse ba ikemiselitse ho bala bohle hohle kahar'a Naha ea Lesotho, ka hoo ba ipiletsa ho Basotho ho ba lumella ho nka lipalo. A re lipalo li boetse li sebetsa hantle molemong oa ho etsa puso e ntlafetseng, 'me ha li tšoaroa hantle li ka sebelisoa ho fenyha mathata a phano e bohla ea litšebeliso makaleng a 'muso.

Letsatsi lena le ketikiloe tlasa mohoo o reng "Ho sebelisa marang-rang ho nkoeng ha lipalo ho netefatsa boiketlo ba sechaba."

27 350 562 / 57396597 (WhatsApp)
bookcentre@mazenodprinting.co.ls

SCHOOL BOOKS
now available on the Akello Online Library!

Here's how to access them:

1. Download the Akello Reading App.
2. Search for the book you want.
3. Purchase or subscribe online.
4. Download the book.

Enjoy reading offline anytime on the Akello App.

<https://library.akello.co/>

E meng ea mefetshe e jang Naha ea Lesotho ke bosholu ba liphoofolo haholo ka maluting ka koana moo ho hlileng ho pheloang ka tsona. Ho na le mekhoea e meng e mengata e ileng ea lekhoa ho loantša le ho thibela bosholu bona; 'muso o ile oa tla ka leano la ho tšoea liphoofolo ka mocheso ho fapakana le letšoao lena le tloaelehleng kaha lona masholu a tseba ho le fetoha. Liqholotso li ntse li le teng leha ho le joalo, hobane ho ee ho thoe ha u lokisa ka nqa ena ho senyeha ka nqa eane.

Basotho ba rekisang liphoofolo tsa likhutšoane le tse telele ba thehile mokhatlo 'me ba ne ba u hlalisa kapel'a Basotho e leng o bitsoang Tsoelang-Pele Baitšokuli, o retsoeng ho loantša bosholu ba liphoofolo haholo ntlheng ea thekiso. Mokhatlo o re liphoofolo tsohle li lokeloa ho ba le litokomane tse molaong ha motho a batla ho rekisa, e le hore moreki a tlohe moo a nkile babeisi a nakong 'moho le pampitšana e nang le lintlha tsohle tsa mokhatlo. O re taba ena e tla boela e thusa ho bebofaletsa sepolesa mosebetsi kaha se tla tseba ho tšoara litlohi tsa molao kapele.

Ho sa le joalo, Ntlo ea Mahosana le eona e ile ea tšohla taba ena ea bosholu ba liphoofolo eo ho utloahalang lipatlisiso tsa eona li qalile khajana selemong sa 2022 khoeling ea Loetse kamor'a ho fumana litlaleho tse 'maloa ho tsoa ho bo-ramehlape. Sello sa lihoai ea e-ba hore esale li nyameloa ke chelete ea boleng ba M1 Million ea boea, ka hona li se li e-na le tšabo e khole. Li boetse li bontšitse ngongoreho ea ho se tšepe marena hobane a sebelisa litempe tsa ona hampe ho thusa masholu. Ka lehlokoreng le leng litho tse ling tsa sepolesa le tsona li kene 'mommoring ona oa bosholu; hobane litlaleho tse entsoeng li fella feela.

Eaba ba etsa 'moka 'moho le mafapha ohle a amehang a kenyeletsang sepolesa, sesole le a mang. Sepolesa se hlalositse se tšoele kathata haholo ho loantša bosholu bona, se bile se sebetsa 'moho le sesole le hoja ho batla ho se bonolo kaha mekhoea ea ho nyenyelletsa e se bobebe. Sesole sona sa bontša mosebetsi oa sona e le ho lebelameeli, empa se ntse se thusa moo ho hlokalahalang. Litho li re qholotso eo li ileng tsa kopana le eona ntlheng ea sesole ke hore setho se isoa sebakeng se seng se e-s'o phethele lipatlisiso ebe joale ho ba thata ho tsoelapele kapa ho qetela.

Qaka e 'ngoe ke e hlahang ka Lekaleng la Puso ea Libaka, Borena, tsa Lehale le Sepolesa ka bahlanka ba lona ba fokolang ho tšoea liphoofolo, hape ba boetse ba hloka tsebo kapa eona thahasello. Le hoja bosholu bona bo nkoa e le ntho e nyenyane, e khole haholo hobane ho na le malapa a phelisoang ke liphoofolo haholo thekiso ea boea. Ka hona lekala le ke le shebe taba ena ka leihlo le leng, le rupele bahlanka kathata 'me le ba bontše bohlokoa ba mosebetsi oo oa bona.

Har'a litokelo tse ling tsa mantlha haholo ngoaneng, thuto ke e 'ngoe ea tse bohlokoa, ka lebaka lena mokhethoa oa Hloahloeng koana Seterekeng sa Mohale's Hoek o eme ka maoto ho loanela litokelo tsa bona; haholo ba lulang ka maluting. O kopa 'muso ho matlafatsa likolo ka meaho le ho li fa litichere joalokaha ho etsoa mabalane mona. Sechaba se phelang ka loting se feta tlasa liphepetso tse bakoang ke ho hloka tsebo kaha lipalo tsa batho ba sa rutehang li phahame. Joale li tla sitoa ho nyoloha hobane barutoana ba nyahamisoa ke bohle ba likolo hoo ha pula e na ba sitoang ho ea likolong. Ba qetella ba inehetse manyalong ba le tlaase lilemong hobane thuto e sa nkeloe hloohong hakaalo.

Bana bohle ha ba fumane thuto ka tsela e tšoanang, ho ajoe toka hohle kahar'a naha; pula e se ne ka ho khetha libaka. Ntho eo motho a ka ipotsang eona ke hore na ebe bana ba nang le bokooa bona ba sekisetsoa ho le hokae haeba ba se nang bona ba sokola hakaana? Ba chang ba tšola ba ke ba fetole maoa haholo kannete. Sechaba sa Hloahloeng se fumane mokhethoa ea tsebang ho se buella, a bile a shebile letlobo le lecha leo e leng lona le bohlokoa. Tšoara joalo mokhethoa, u sebeletse sechaba sena sa Basotho se u tšepetseng mosebetsi.

MOLIMO A BOLOKE LESOTHO LE BASOTHO

Contacts: +266 28350 466

62600983 WhatsApp

Email: newsroom@moeletsiabasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISETSE MORENA SECHABA SE PHETHEHLENG (LUKE 1:17)

Editorial

Lesetsa Rakubutu

(+266) 6203 1949 / 58190670

EMAIL: editor@moeletsiabasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

57 665 038/ 68 216 271

Tšeliso Thakholi

58 540 853/ 63 480 404

Production Desk: 'Mateele Liqa

Masholu a tingoe beile

Nthabeleng Seithleko

Ntlo ea Mahosana e ananetse tlaleho ea Komiti ea Littlelebo ea ho tsoenyeha ha lihoai ke bosholu ba liphoofole boo ba reng bo nonyetse moruo oa naha. Litaba tsena li hlalhelletse tulong ea la 14 Pulungoana monongoaha.

H'a fana ka tlaleho, Molu-la-Setulo oa Komiti eo, Mofumahali 'Mawinnie Kanetsi o re ka khoeli ea Loetse 2022 ho ile ha fihla tletlebo e tsoang ho lihoai ba lla ka bosholu ba liphoofole. O re ba ile ba etsa 'moka e le mafapha a fapakaneng a kenyelletsang; sesole, sepolesa le a mang 'me ke moo mafapha a ileng a re a seboko ka bosholu. A bile a tlaleha hore a se a le qoai kaha a ile a nyameloa ke chelete ea boea ba linku ba

boleng ba M1 Million.

A re lihoai li re li ntse li e-s'o thusoe, hape li seboko ka hore litho tse ling tsa sepolesa li etsa setsoalle le masholu 'me litlaleho tseo ba li etsang li felella feela.

A re qholotso e 'ngoe ea e-ba hore a mang a marena a sebelisa litempe tsa 'ona hampe, ba tempela liphoofole tse utsoitsoeng.

"Tse ling tsa lihoai ha li tsoaee liphoofole tsa tsona, 'me sena se etsa hore ho be boima ho fumana liphoofole tse joalo kapa hona ho li tseba." Ke Kanetsi eo.

A eketsa ka hore qholotso e 'ngoe ke hore ofisi ea tsa lehae ha e na matsoho a lekaneng ho thusa ho tsoaea liphoofole, hape ho bonahala thahasello e fokolang ea bohlanga litabeng tsena, ho bile ho e-na le botsebi bo fokolang ka litaba tsena.

A bontša hore bona e le komiti ba ile ba kopana le

sepolesa, 'me sona sa re se tsoere kathata tabeng ena ea bosholu ba liphoofole, 'me ba re ba tsoarisane le sesole.

Leha ho le joalo, ba tšireletso ba bontšitse hore ba hloka mokhoa oo ba nyenyelletsanang ka oona ha ho na le menyenetsi ea liphoofole tse utsuoang.

Leha ho le joalo o itse sepolesa se re se na le bothata ke ka tsela eo makhotla a tsoarang litaba ka eona, kaha batho ba lokolloa ka tsela e bobebe haholo.

"Ra kopana le sesole se ileng sa re mosebetsi oa bona ke ho sebetsana le maliboho, 'me ba re ha ba se ba fumane mokhoa oa hore na liphoofole li tsoa joang o fumane ba se ba sa sebetse libakeng tseo, 'me tšalo morao e ba boima maemong a joalo." A rialo.

A re komiti e eleletsoe tlhokahalo ea bohokela hore e hle e tiisoe, sechaba se



sebetse hammoho le sepolesa ho ipolesa. O boetse a re komiti e ipiletsa ho mafapha ho kopana a sebetse hammoho ho thibela bosholu ba liphoofole.

Morena oa Sehlooho oa Ha 'Mamathe, Sempe Ma-

supha o itse Tona-Kholo o lokela ho elelloa hore h'a sa phethise tšepiso ea boiketo ba hae ka bosholu ba liphoofole seriti sa hae se tla thunthetseha.

A re o ne a tšepisitse hore ho tla ba le seroala-nkhoa-na se tla ba tlhoeli ho thibela litlolo tsa molao, 'me ka marang-rang a morao ho tla ba le khokelo e tla hlaba patsana ha liphoofole li nyamela.

A re masholu a na le boiphihlelo moo a eang ho babuelli ba ona ho kalla nyeoe tsa ona, ebe b'a buelella hore a lokolloe, ebe a khutlela bosholung hape. A ipiletsa ho 'muso hore masholu a se fuoe beile.

"Re le marena rea leka ho bona hore lihoai li tsoaea liphoofole empa ho bonahala ho e-na le bofokoli ka lehlakoreng la bohlanga ba Ofisi ea tsa Lehae, 'me ho lokeloa ho be le bahlanka ba koetlisetsoang mosebetsi oa ho tsoaea liphoofole." A li beha tjena.

Morena oa Sehlooho oa Thaba-Bosiu, Khoabane Theko o bontšitse hore bosholu ba liphoofole ke taba e hlokolosi haholo, e lokelang ho tsoaroa hantle.

O itse ho hloka hla mafapha 'ohle a amehang ho tsoarana ka matsoho ho loantša bosholu ba liphoofole.

O hlalositse hore ke 'nete Tona-Kholo o ile a tšepisa nakong ea boiketo ba hae leha a ne a sa tsebe na o tla kopana le life pusong. A re ho kenya chipi phoofole e 'ngoe le e 'ngoe ha se ntho e bobebe haholo.

H'a phethela litaba tsa hae, o ipilelitse ho Marena a habo a Sehlooho ho eletsa marena a ka tlas'a 'ona ho qoba ho sebelisa litempe tsa liphoofole tsa bosholu kaha seo se thusa masholu ho rekisa habobebe se bile se thunthetsa seriti sa bona e le marena.

Barekisi b'a ikopanya

Nthabeleng Seithleko

Ele ho fana ka tšepo ho Basotho le ho thusa ponaletsong ea thekiso ea liphoofole, Mokhatlo oa Tsoelang-Pele Baitšokuli o itlhaletse sechabeng ka la 17 Pulungoana monongoaha.

Mongoli oa Mokhatlo, Mohau Malataliana ha hloosa sepheo sa mokhatlo, o itse ele banna le basali ba rekisang liphoofole tse khutšoanyane le tse telele kahare ho Naha ea Lesotho, ba ile ba bona ba tlameha ho ikopanya, ho bona hore ba fenyha liqholotso tseo ba neng ba kopana le tsona ha ba rekisa liphoofole.

O re liqholotso tse kenyeletsang taba ea batho ba rekisang liphoofole tsa bosholu le tse se nang litokomane tse nakong, ho beha taba ea theko le thekiso ea liphoofole lehlakoreng le lebe la molao, kaha bona ba ikobela ona.

O re seo ba se hloka ke hore Basotho ba ba tšepa le ho lumela hore ho bona ba fumane tšireletso. O re sena ba se etsa e le ho nka karolo tšireletsehong ea bona le ea batho bohle molomong oa hore liphoofole tse rekisoang e be tse nang le tokelo.

Motlatsi oa Molula-Setulo, Tumelo Ratikane o itse mokhatlo o sebetsa ka mokhoa oa litokomane fela, moo ba batlang ho tseba monga phoofole pele e ka rekisoa e ntse e le ho thibela le ho loantša bosholu, le

hore bareki ba bona ba be le litokomane tse molaong, tse tsamaeang le mokhoa oo ba o hlalisitseng oa rasi e nang le linomoro tsa mokhatlo tsa mohala, e qhoahelloang le babeise.

O re mokhatlo ona o tlo ba thusa hore masholu a bonahale le hore ba tsebe ho tsoaroa ha bonolo, tšireletseho ea liphoofole tsa Basotho e bonahale hobane batho ba bang ba rekisa liphoofole tsa bosholu.

O re ba ile ba ikopanya e le karolo ea ho tla ka leoa le ka thusang hore bohle ba iphumane ba nkile boikarabello ba ho boloka tseo eleng tsa Basotho.

"Ntho e bohloko ke hore liphoofole ha li utsua ho sia naha e nyotobela moruong le Basotho ba sala ba sotlehile." Ke Ratikane eo.

O ile a khothaletsa Baso-

tho ho etsa bonnete ba hore le ka mekhatlo ea bona ba reka liphoofole tsa boleng ebile ba li reka moo ho hloka hlang eseng ho motho e mong le e mong hobane ho qetella ho ameha bophelo ba bona.

E mong oa litho Mokhatlong ona, Sechaba Mabuse la o itse o lumela hore le sepolesa se tla tseba hore se sebetsana le bo mang hobane thekiso ea liphoofole e phelisa malapa a mangata, 'me mehlape ea Basotho e tlameha ho sireletseha hore qetellong batho bohle ba be le bophelo.

O itse ho bohlokoa hore Basotho ba se ke ba thola ha ba bona liphoso metseng ea bona empa ba tlalehe hore ba fuoe tšireletso. A re ba thabile hobane ba tlo ba ntsoe leng.



MOELETSI O TŠEHETSA BACHA

Tšeliso Thakholi

Mofumahatsana Keletso ‘Kelly’ Masheane (29) ke e mong oa bacha ba ratang batho ka pelo eohle ea hae, ho ba khothatsa le ho ba hlabolla ea thehileng kampani e ncha haholo ea bohlabolli e bitsoang Harmony Counseling Services. O manolla tsa nalane ea bophelo ba hae le boiphihlelo boo a bo fihletseng bophelong ham-moho le ho re beha leseling haholoanyane hore na hantle bohlabolli ke’ng le hore na molemo oa bona ke ofe.

HANTLE KELETSO KE MANG?


Ke morali oa bobeli oa bafu ntate Tumelo Masheane le ‘m’e ‘Matšepo Masheane. Ke hlahetse motseng oa Ha Sekhonyana Seterekeng sa Berea. Ka kena Sekolo sa Mathomo sa Mokonyana ka nt’o fetela ho se Phahameng sa Pulane. Kamorao hore ke phethele lithuto tsa ka tsa Sekolo se Phahameng ke ile ka etsa khedu ea sele-mo kaofela e le hobane ke ne ke batla ho nahana ka botebo hore nka etsa’ng eo nka e thabelang le ho ikutloa ke phutholohile ha ke e etsa ebile e le ntho eo nka tsebang ho sebeletsa batho ba bang ka katleho.

KHOLO EA HAE

Kholo eo ke hotseng ka eona kamor’a hore ebe ke lahlehelo ke batsoali ke le lilemo li 10 e bile e thata haholo hoba re ne re holisoa ke nkho oa ka ho fihlela kajeno. Ka lehlohonolo ha ke ntse ke le ngoana ke ne ke se na khatello ea letho ea hore ha re sa na batsoali ho latela tšoar e mofuthu eo nkho oa rona e saleng a re tšoara ka eona le ho fihlela kajeno. Ntho e ‘ngoe e ileng ea nthusa haholo ke hore ‘na ke ne ke tseba ho amohela se teng lapeng heso ka nako eno.

TLHASE EA BOHLABOLLI

Hantle ka tlholeho ke motho ea ratang motho e mong le e mong, ‘me tlhase ea lerato la bohlabolli e ile ea kolla hona moo kamor’a hore ke hlocomele hore ke motho ea tsebang ho bua le batho le ho ba khothatsa ha ba e-na le liqholotso tsa mefuta. Ka utloa ke e-ba le lerato la ho ba mohlabolli. E ‘ngoe ea lintho tse ileng tsa nqholotsa hore ke be le lerato la bohlabolli ke bophelo boo ke ileng ka bo phela, ha ea ka ea e-ba bo mon-



ate ho hang le hoja nkho oa ka a ne a tšaba ka ‘na a ntlhokometse hantle joaloka ngoana e mong le e mong oa ngoanana.

QALEHO

Ha ke se ke ikutloa hore ke batla ho ba mohlabolli ke ile ka etsa lithuto tsa lengolo la Diploma tsa bohlabolli ka marang-rang le College of Netherlands. Kamorao ho moo ka sebetsa hantle ka ho ipabola lithutong tsa ka hoo ke bileng ka fuoa likhau ka 2023. Ka boela ka tlatseletsa lengolo la ka la Diploma ka la Community Base Care e leng tsona tse amanang le litaba tsa bophelo. Ka boela ka matlafatsa lena la bohlabolli ka la HIV/AIDS in Action. Ha ke ntse ke etsa lithuto tsena tsa ka kaofela ke ne ke ntse ke sebetsa liakhenteng ke le mongoli, empa ka selemo sa 2024 e itse ha ke qeta ho fumana mangolo ka theha kampani e ncha e bitsoang Harmony Counseling Services e ileng ea fumana lengolo ka molao ka la 20 Phupu 2025.

SEPHEO SA HARMONY

Sepheo se seholo sa Kampani ea haeso ke ho hlabolla bacha le batho ba baholo ba nang le khatello ea maikutlo ka lebaka la ho kopana le liqholotso tse ngata. Ke thusa sechaba mafapheng ohle a fapakaneng a bophelo, ‘me ke se ke thusitse batho ba bangata ho ba inola har’a mathata a fapakaneng a bophelo, haholo-holo ba-

cha ba bonahalang ba le tlasa khatello ea maikutlo ka lebaka la tlhokahalo ea mesebetsi le tse ling. Ke mema bohle hore ba tle ke tlii’o ba thusa ka mofuthu le ka lerato.

BOHLABOLLI KE’NG?

Ke ho kopana le batho bao motho a ba tsebang le bao a sa ba tsebang le tl’o bua ka matšoenyeho a bona kapa lintho tse ba sitang bophelong ba bona. E be motho oa mohlabolli o tla ka litharollo tse tla etsa hore qetellong mathata a bona a se

hlole a ba tšoenya bophelo bohle ba bona. Ke mosebetsi oo ke o ratang ka pelo eohle ea ka. Ke ka lebaka lena leha motho a ka tla ho ‘na a se na letho ke mo thusa ka pelo e tšoeu.

BOHLOKOA BA BOHLABOLLI

Bohlabolli bo thusa batho haholo ho ba hlokomelisa lintho tseo ba neng ba sa li elelloe hore ka nako e ‘ngoe li ka ba kotsi kapa tsa ama bophelo ba bona. Ka hona ke khothaletsa batho bohle le bacha hore ba kopane

le bahlabolli hohle moo ba teng le ho ‘na mamati a butsoe nka ba thusa ka linako tsohle.

LIKATLEHO LE LIQHOLOTSO

Batho bao ke ileng ka ba thusa ho ba le phetoho e kholo bophelong ba bona, ‘me lintho tseo li neng li ba tšoenya li ile moriting. Kannete e sa le ke e-ba mohlabolli ke kopana le batho ba bang bao ke seng ke ba thusitse ba nthatang ka lipelo tsohle tsa bona. Liqholotso tseo ke kopanang le tsona ke hore ho na le batho ba tla beng ba memetsoe bahlabolli empa bona ba sa batle ho bua le rona. Leha ho le joalo, e re kaha re rupelletsoe ho ba le mamello re be re qetelle re atlehile ho ba thusa. Qholotso e ‘ngoe ke tlhokahalo ea ofisi moo ke sebeletsang teng, empa ke thusa batho hohle moo ba teng ka ho tla ho bona ha ba se ba khethile sebaka seo re ka kopanelang ho sona. Ke kopa bafani ho etsa letsoho la monna ka ho nthusa ka ofisi moo nka sebeletsang teng.

KHOTHALETSA HO BACHA

Nka khothaletsa bacha ba bang hore le bona ba ka ithutela bohlabolli kapa ba nkatamela ka qoqa le bona. Nka tseba ho ba tataisa hae-ba ba batla ho ba bahlabolli le ba seng ba ntse ba etsa lithuto tsena ba ka tla ra ba tataisa. Ba seng ba qetile e ba ba batla ho tla ithuta mosebetsi ba amohetsoe ka liatla tse peli mona ho Harmony Counseling Services.

51660372

62262780

Harmony

Counseling Services

O fa ba Botswana tsebe



Nthabeleng Seithleko

Tona-Khola Samuel Ntsokoane Matekane o file Basotho ba phelang Naheng ea Botswana tsebe ka ho mamela lillo tsa bona, tseo har'a tse ling ba kopileng ho ba le moemeli oa Lesotho naheng eo. Litaba tsena li hlaheletse kopanong ea la 14 Pulungoana monongoaha.

Matekane o hlalositse Naha ea Lesotho e ntse e sebetsa kathata ho tiisa likamano le Botswana, kaha isao ba tla kenya tšebet-

song litaba tsa selekane se ileng sa tekenoa ka khoeli ea Phupjane monongoaha.

O ile a hlalosa Basotho bao hore ba se ba ferehile Botswana ho thakela Naha ea Lesotho ka malebela mabapi le tlhahiso ea nama e khubelu kaha e le tse ling tsa lintho tse hlalisoang haholo Botswana, 'me ho se ho setse hore ho romelloe litsebi Lesotho ho sheba mekhoha ea tšebetso.

Tona-Khola o boetse a kopa Basotho ho sheba hae e le hore ba thusane ho sheba lintlafatso. "Re se re shebile lona Basotho ho phahamisa folokha ea naha, ke ka lona re ka loantšang bobolu

ha feela re ka tšoaranang hammoho." A hlalosa joana.

Letona la tsa Machabeng, Mohlomphehi Lejone Mpotjoane o itse ho Basotho ke eena ea ikarabellang ho bona, 'me a hlalosa h'a eelloa hore ba ntse ba rata naha ea habo bona kaha a utloa hore puo e ntse e hlakile.

"Tona-Khola ea Botswana e re teketsa hore ho na le sebaka se seng kahar'a Botswana moo e hlileng ho phelang Basotho feela 'me sena se re bontša lerato leo le nang le lona le le Basotho." Ke lejone eo.

A tsoelapele hore Lekala la tsa Machabeng le entse

sethala se lumellang hore batho ba seng ba tsoile kahar'a naha 'me e le karolo mekhatlong ea machaba, ba fumane monyetla oa ho thakela Basotho ba bang ka malebela.

Ke hona kopanong ena moo a ileng a tlalehela Basotho hore e le naha ba ntse ba etsa lithophiso tsa hore naha e be le Ofisi Naheng ea Botswana e le ho arabella liqholotso tsohle tseo ba tobanang le tsona; e ka ba tahlehelo ea libukana tsa ho eta kapa tlhokahalo ea ho thusoa ka litokomane tse itseng.

Letona la Puso ea Libaka, Borena, Tsa Lehale le Sepolesa Mohlomphehi Lebena Lephema o hlalositse hore Botswana e bonahala e thuthuha ho feta Lesotho 'me sena se bakoa ke Basotho ba jellang nonyana naheng, ka hona a ipeletsa ho Basotho ho boea sekoele.

A re Lesotho le Botswana li hloka ho thakelana ka malebela e le hore Lesotho le tle le fihlile boemo ba Botswana. A re ho bohlokoa

hore Basotho ba matahane le 'muso ho lokisa Naha ea Lesotho le ho thusa Tona-Khola ho etsa Lesotho le ntlafetseng ebile le natefelang bohle.

Moemeli oa Lesotho Pretoria, Ntsime Jafeta o lebohile Tona-Khola ka ho nka mohato oa ho kopana le Basotho ba phelang Naheng ea Botswana, 'me ketso ena ke sesupo sa hore ha b'a lahleha.

A tsoelapela ho kopa Basotho ho se jelle nonyana naheng kaha naha e ntse e hloka botseteli.

'Muso oa Lesotho o batallitse mabala ho bona hore hohle moo Basotho ba leng teng e ka ba ba nang le likhoebo le ba se nang tsona, ba hlokomela bohlokoa ba ho tsetela naheng ea habo bona, le hore bohle ba sebetsang ebile ba e-na le litsebo ba ka nka litsebo tseo ba il'o li jala hae, 'me ba tšoaraisana 'moho le bacha bao e ka bang ha ba na mosebetsi e le ho fokotsa sekhahla sa tlhokahalo ea mosebetsi.

Lebitsong la Moemeli oa Basotho ba phelang Naheng ea Botswana, 'Mapolao Mokete o itse ba ikotla sefuba ka Lesotho la habo bona. A supa hore ba etse hloko litaba tse ntseng li et-sahala kahar'a naha e ka ba tokiso ea litsela le marokho, ho kenya motlakase, ho ntlafatsoa ha teropo ea Maseru, meoloane ea ho hloekisa naha le mekhoha ea ho matlafatsa bacha kahar'a naha.

A re ba ananela ho tekeneloa ha selekane sa tšebelisanano lipakeng tsa linaha tsena tse peli, ho phahamisana temo le ho ntšoa ha Lesotho boliseng ba SADC.

O ile a hlalosa hore tlhokahalo ea ofisi kahar'a Naha ea Botswana e ba beha tsietsing e khola kaha ho se moo ba ikarabellang. A bontša hore bo teng ba eona bo tla thusa liqholotso tsohle tse tobaneng le Basotho ba phelang moo, ho tiisa tlhokomelo le tso-tello ea Basotho ba phela naheng eo.

Kopano ena e ne e bopiloe ka boteng ba Letona la Tsa Machabeng le Likamano tsa Machabeng, Mohlomphehi Lejone Mpotjoane, Letona la Temo, Kanetso ea Lijo le Phepo e Nepahetseng Mohlomphehi Thabo Mofosi, Letona la Tsa Puso ea Libaka, Borena, Tsa Lehale le Sepolesa Mohlomphehi Lebena Lephema, Moemeli oa Lesotho Pretoria, Ntsime Jafeta, Bangoli ba 'Muso le karolo ea Basotho ba phelang Naheng ea Botswana.

ABC e itlhophela mokete

Nthabeleng Seithleko

Moetapele oa Mokha oa Kobo-Tata ea Basotho (ABC), Nkaku Kabi o re nako ea tla eo Tona-Khola a tl'a araba makhenefa ao ba ntseng b'a etsa le 'muso oa habo. O boletse tsena ka la 16 Pulungoana monongoaha, a le kopanong ea lebatooa la Qeme No. 47.

O re sepheo sa kopano e ne e le ho thakhola tšebetso ea ho etsa lipokello tsa chelete sebakeng sa mokete o moholo oa ho tlotla le ho leboha mothehi oa ABC, Dr. Motsoahae Thomas Thabane.

H'a fana ka puo moo, har'a tse ling o itse ho na le monna ho thoe ke Liphola, o sobokelletsoe ke barui o koalletsoe, a re ha u botsa hore na u faselitsoeng, ho thoe o ntse a tseka hore Naha ea Lesotho e jeoeng ke Maburu e khutle.

A re ho Matekane a hlokomela litaba tsohle tseo ba ntseng ba li etsa hona joale hobane ho na le nako eo Liphola a tla lokoloha ka moo, kaha a tseka litaba tse otlohlileng. A re bona ka maphemphe ohle ao ba ntseng b'a etsa, mohlantse ba seng ba se moo ba tla ara-

bela makhenefa ao a bona.

Ho sa le joalo, o itse ba thakhola boitlhophisetso ba mokete oa ho keteka moth-ehi oa ABC.

A re moketjana oo ke ho tlatselletsa lichelete tse seng li ntse li le teng, e tle e re letsatsi la mokete, bonyane mabatooa ohle a khutle moo a thabile hobane ba tla be ba keteka letsatsi le leholo haholo.

A re ha motho a sheba metheo ea maano a mokha ona, mekha le makhotla a lipolotiki a Lesotho a tla lakatsa feela hore e ke ba ka tsamaea moo Kobo-Tata e tsamaileng teng.

O re ha motho a potoloha le naha batho ba re Kobo-Tata e ile ea ba nyollela chelete lifemeng. A re ho na le batho ba sa utloisisang taba eo hore e entsoe ke Kobo-Tata feela, 'me ho na le e 'ngoe e tl'o e tsoa ke eona feela.

A re lifeme li ka nna tsa koalla likhoho hona joale, 'me barui ha ba tl'o ba le tsotello ka lifeme tseo, ka hoo Kobo-Tata e tl'o ntšetsapele maano a eona a hore batho ba sebetsang lifemeng ba be le bophelo.

A re ha ho tlohella bo-soaisoi, ho na le bana ba batho ba lutseng ba sa ee likolong ka lebaka la ho hloka lichelete hobane batsoali ba

lelekuoe lifemeng. A re ho na le bao batsoali ba bona ba felletsoeng ke mosebetsi Newcastle, 'me bana ba bona ba ntse ba ea Ofising ea ABC mane ba kopa lithuso hore ba tsebe ho ngola likolong. A re ho batho ba utloisisang hore sera sa motho ke tlala na ho boleloa'ng, ba tla utloa bohloko ka litoro tsa bana bao.

Ho feta moo, o itse boitlhopho bona ba bona bo qala ka noto e holimo haholo, 'me e tla re mohlatsatsi la mokete le fihlang, e leng mafeelo a khoeli ea Pher-

ekhong; Dr. Motsoahae o tl'a ikutloa a le motlotlo hore ebe o ile a qetella a thehile ABC

O re o utloile ho thoe monghali Temeki Tšolo oa Mafeteng o tšetse, 'me a re ho eena moo, moo a ileng teng o ikentse kahar'a khoshane ea barui, ka hona o tla lula pela bona a lebele ha ba ntse ba ja a lutse tafoleng le bona. Leha ho le joalo, o re h'a qetile ho mamella khoshane eo ea bona, a tle a khutle hobane motho e mong le e mong o tseba mofuthu oa ntlo ea habo.



O loanela likolo



Nthabeleng Seithheko

Mokhethoa oa Hloahloeng, Katleho Mabeleng o re 'Muso oa Lesotho o lokela

ho anetsa thuto ka tsela e tsoanang likolong tsohle, le libakeng tsohle kahar'a naha. O tiisitse litaba tsena puisonon le Koranta ka la 19 Pulungoana monongoaha.

Litaba tsena li latela hore

a kenye tšisinyo Ntlong ea Bakhethoa hore 'Muso oa Lesotho o ntlafatse thuto ea bana ba Basotho ba mahaeng, joalokaha o ntlafatsa ea ba litoropong. O re tšisinyo ea hae e ipapisitse le molao o reng thuto e

lokela ho anela bohle ntle le khethollo, ka meaho le ka libaka tse fihlelehang ha bobebe. O re boholo ba likolo tse ka lithabeng li fihleleha ka thata 'me hoo ho ama baithuti hoo ba bang nakong ea lipula tse matla ba sa finyelleng likolong.

O re ke nakong ena eo lefatše le khothaletsang har'a Lipehelo tse ling tsa Ntlafatso ea Moshoelella (SDGs) ba lokelang ho sheba litaba ka leihlo le fapaneng le la pele. O re ba lokela ho behella chelete ea ntlafalo ea likolo tse ka lithabeng ka pele.

"Thuto ha e lokela ho khetholla, batho bohle ba lokela ho anya le mohasula joaloka bana ba mabalane." Ke Mabeleng eo.

O ile a tea mohlala ka likolo tse kang Khama-Khama, Sefateng, Qoloane le Thakhalla har'a tse ling tseo ho seng meaho, lithusa-thuto, litsela, motlakase le litichere, hoo le bana ba kenang lenyalong ba le lilemong tse tlase.

O re liketsehalo tse ling metseng li ipakeloa ke hobane sechaba se hloka kutloisiso ea thuto. A re lipalo tsa batho ba sa tsebeng ho bala le ho ngola li bonahala ka lithabeng e le qholotso e kholo.

Mabeleng o re ho tsetela thutong ke bokamoso ba naha ena, ka hona e ka ba bohlale hore likolo tse bonahalang li lahliloe khrehloa li hopoloe, hape likolo li hlahlojoe khafetsa ho sa natsoe bohole ba tsona.

Puisanong le Mookameli oa Mokhatlo oa Litichere, Letsatsi Ntsibolane o itse o tlatsa litaba tsena ka hore litichere li sebeletsa libakeng tse sa bolokehang, likolo tse ling ha se tse amohelehang le libaka feela tsa ho rutela.

O re ha 'muso o ka tsetela ka 'nete e hlokang leeme thutong ea bana, kholo le ntlafalo ea sechaba e ka bonahala; kaha bohlale le moruo li kolla thutong hobane sechaba se hlokang thuto se'a timela.

"Thuto ea naha ea habo rona e ntse e kikitlala, ho bohlokoa hore 'muso o sebelise maano a ona a matle molemong oa naha le bana ba naha ena." Ho rialo Ntsibolane.

A re leha ho le joalo o thoholetsa mohato oa ho bona hore likolo tse ngata li kenyetsetsa litaba tsa thuto e anelang bana bohle haholo meaho e arabela tlhoko ea bana ba nang le bokooa, ntlafalo ea thuto ea likonyana le thuto e ntlafatsang kholo ea ngoana.

Amerika e tla tšehetsa Lesotho

Nthabeleng Seithheko

Boemeli ba Naha ea Amerika Lesotho bo ntšitse phatlalatso e hlalosang hore boemeli ba 'Muso oa Lesotho le ba Amerika, bo bile le lipuisano tsa ho kena tumellanong ea tšebeliso 'moho ea lilimo tse hlano, litabeng tsa bophelo; ka ho khetholoha tse tla thusa naha ho fenya taba ea HIV/AIDS har'a tse ling.

Phatlalatso ena ea la 18 Pulungoana 2025, e hlalosa hore kopano ena ebile Ntlong ea Boemeli ba Amerika Lesotho, ka boemeli ba linaha tse peli tsena bo nang le seabo litabeng tsa bophelo.

Tumellano e na e tl'o aha holim'a lithuso tseo Amerika e neng e se e ntse e li fa Lesotho ho tloha ka selemo sa 2007 ka 'President's Emergency Plan for AIDS Relief' (PEPFAR), 'me e tl'o thusa ka lichelete basebeletsi ba

bophelo ba ka bang tlokotsing pele, ho reka thepa le ho fana ka lithuso tsa litsebo ho tšehetsa 'Muso oa Lesotho tšebetsong ea ho tsamaisa mafapha a bophelo.

Ka lehlakoreng le leng, Mokhatlo oa AIDS Health Foundation, o bile le 'moka oa baphatlalatsi ba litaba ho tšohla mekhoha e mecha

e ka thusang botlalehing ba litaba tsa bophelo bo nepahetseng, ka la 14 Pulungoana monongoaha.

Ke hona 'mokeng ona, moo baphatlalatsi ba ipilelitseng ho mokhatlo ona ho etsa bonnete ba hore o ela hloko litlhoko tsa bona haholo hore ba fihle libakeng tseo ho nang le litaba ho tsona. Ba re litaba tsa bophelo ke tsa tlokotsi ka hoo ba lokela ho li phamolela holimo empa le teng ba fue tšehetso joaloka mafapheng a mang.

Boitumelo koloi o hlalositse hore leha bophatlalatsi bo suptjoe e le bona molo-mo oa sechaba empa batho ba bangata b'a lebala hore batho bao ba na le bophelo ba bona bo lokelang ho ntlafala.

O re ho bohlokoa hore ho kenyeletsoe leano la ho tšehetsa bophatlalatsi ka lichelete eseng hore ba sebelisoa ho fihlela litoro tsa mekhatlo. A re ba ikemiselitse ho thusa naha le sechaba empa le teng ba eloe hloko ka lipapatso.

Tumellano ena e tla te-

kenoa ka khoeli ea Tšitoe monongoaha, 'me e kene tšebetsong ka khoeli ea 'Mesa isao.

<https://whatsapp.com/channel/0029VaksSPUJUM2dmiGDNh20>

Follow Moeletsi oa Basotho

Official WhatsApp Channel

and stay connected!

Fumana litaba tsa morao-rao, litsebiso, likhatiso le tse ling ka potlako ka menoana feela!

WhatsApp: 6260 0983

www.moeletsiobasotho.co.ls

Tseba

boemo ba

hau u

alafshoe

RSL e kenya letsoho tikolohong



Nthabeleng Seitlheko

Setsi sa Pokello ea Lekhetso Lesotho (RSL) ka kopanelo le Lekala la Tikoloho le Meru li kene letšolong la ho baballa tikoloho le tlholeho ka ho lema lifate tse 2000 Koro-Koro ka 14 Pulungoana monongoaha.

Ea tšoereng molepo e le Mookameli oa RSL, Rakokoana Makoa o boletse hore lenaneo lena le bontša boitlamo ba setsi ba ho kenya letsoho ka tsela e ntle sechabeng naha ka bophara, ka ho tšehetsa tlhokomelo ea tikoloho.

O itse lenaneo lena le qalile ka selemo sa 2023 e le ketekelo ea lilemo tse 20 setsi se thehiloe ‘me ho tloha ka nako eo, le amohetsoe e le ketsahalo ea selemo le selemo.

Ho feta mona, o tsoetsepele ho hlalosa hore e meng ea meoloane ea setsi sena ke ho khutlisetsa sechabeng esita le ho matlafatsa likamano lipakeng tsa sona le mekhahlelo e fapakaneng ea sechaba.

O hlalositse hore ho lema lifate ha se boikarabello ba tikoloho feela empa le sechaba ka kakaretso, hape ke letsete la bohlokoa ho thusa sechaba ka bophelo bo botle.

O boetse a hlalosa hore lifate li bapala karolo ea bohlokoa bophelong ba letsatsi le letsatsi kaha li ntlafatsa boleng ba moea ‘moho le ho thibela khoholeho ea mobu.

“Selemong sena, re atlehile ho lema lifate tse 2000. Re tšepa hore sechaba se tla li sireletsa le ho li hlo-

komela hore bohle re kenye letsoho tlhokomelong ea tikoloho.” A hlalosa joalo.

O tsoetsepele ho hlalosa hore lifate li thusa ho laola maemo a leholimo, ho fokotsa lipula tse matla le ho fana ka moriti le tšireletso khahlanong le moea sebakeng sa sechaba. A re ha re lema lifate, re lema tšepo kaha li hloekisa moea le hona ho hlalisa tikoloho e matlafetseng sebakeng sa sechaba ka kakaretso.

Makoa o hlalositse hore RSL e ikemiselitse ho sebetsa le mafapha a fapakaneng esita le sechaba ka kakaretso litabeng tsa tlhokomelo ea tikoloho eo lifate li lenngoang ho eona.

H’a phethela o ipilelitse ho sechaba sa Koro-Koro ho nka boikarabello ba lenaneo lena, ka ho netefatsa hore katleho ea nako e telele ea lona e itšetlehile ka tlhokomelo ea sechaba kaofela, boitlamo bo tsoelang pele

tikolohong, le tšebelisano e matla joaloka eo Lekala la Tikoloho le Meru le fanang ka eona.

la Meru, ‘Mabatho Nthejane o itse ho kenya letsoho ha sechaba ho sireletsa tikoloho eo ho lenngoeng lifate ho



Mohokahanyi Lefapheng bohlokoa haholo kaha lihlo-

liloeng e le bophelo.

O hlalositse hore ho lema lifate ke e ‘ngoe ea mekhoha e sebetsang haholo khahlanong le tšenyho ea mobu, e leng bothata boo naha ka bophara e tobaneng le bona.

Nthejane o supile hore tšebelisano ‘moho lipakeng tsa mafapha ka ho fapakana le litsi tse kang RSL ‘moho le sechaba ka kakaretso ho ka etsa phetoho e kholo katlehising ea kholo ea lifate.

O khothalletitse baahi ba Koro-Koro ho nka boikarabello ba ho hlokomela lifate tseo, a totobatsa hore ho pholoha ha tsona ho itšetlehile ka tlhokomelo e tsoelelletseng ea bona e le sechaba.

O ipilelitse ho sechaba ka kakaretso ho hatela pele tlhokomelong ea lifate moo teng a hlalositse hore ‘moho ba ka theha naha e matlafetseng e bile e khaba ka botla e le pontšo ea bophelo bo botle.



Mofumahali Molota Ra-



makau o itse lifate li tla thusa ho sireletsa mobu khahlanong le khoholeho, ho fana ka moriti le ho ntlafatsa tikoloho ka kakaretso. A re ba tla kenya letsoho e le sechaba ho khahlametsa setsi le ‘muso tlhokomelong ea lifate, ho netefatsa hore kaofela li’a phela.

A eketsa ka hore lenaneo lena ha le ntlafatse tikoloho feela, empa e tla boela e e-ba mohloli o matlafetseng oa tlholeho sebakeng sa moloko o tlang.

A re ho lema lifate ha se mosebetsi o tloaelehileng, le ha ho le joalo ke boitlamo ba nako e telele ba ho sireletsa tikoloho ea rona, ho thusa ho lokisa mobu o senyehileng, ho matlafatsa mobu, le ho tšehetsa polokelo ea metsi.



Across

3 Sotholla lentsoe lena hore le be le moelelo, lijo tsa Basotho (NAKHOANSE) (9)

4 Liphoofole tse leshome tse thethesang bohali. (5)

6 Setereke seo noka ea Phuthiatsana e tsamaeang kahar'a sona. (5)

10 Seno se bitsoang lere nakong ea thetheso ea bohali. (5)

11 Sehlopha sa bolo ea maoto seo monga sona e neng e le Bishop Molatoli. (7)

14 Tona-Kholo ea mehleng ea Lesotho (9,7)

15 Lokisa lentsoe lena hore le fane ka lebitso la koranta, ELEMOTSI SOBATHO OA, (8,2,7)

16 LELAMABE, lokisa lentsoe lena ho fana ka lebitso la buka ea Sesotho e ntseng e baloa Likolong tse Phahameng, e hatisitsoeng Mazenod Printing Works (8)

Down

1 Sebapali sa mehleng sa Likuena, se kileng sa bapalla sehlopha sa Monastair, Tunisia (6,8)

2 Lebitso le kopanetsoeng ke banana kapa bashanyana (9)

5 Sethibathibane sa Orbit College ebile e le sebapali sa Likuena. (8,7)

7 Mokatjana oa ho leboha basali ba thusaneng motsoetseng. (6)

8 Lioli, Matšekha le..... (7)

9 Beha lentsoe lena ka nepo ho hlahisa le nang le moelelo (MAMOHO). (6)

12 Phoofole e tsamaisoang le likhomo tsa bohali. (4)

13qhanollang pere li fule, ntoa boholo ke ea hosane. (7)

THAROLLO MoB 93-4610



TSA KEREKE

Cudjoe ke Mobishopo-Mokhethoa



Tšeliso Thakholi

Litaba tse monate tse hlahang Motse-Moholo oa Kereke e Katholike Rome, Italy ke tsa hore Ntate ea Halalelang Leo XIV o thontse Fr. Kwamevi John Cudjoe oa Kopano ea Lentsoe la Molimo (SVD) ho ba mobishopo e mocha oa Tikoloho e Kholo ea Guayaquil Naheng ea Ecuador. Phatlalatso ena e entsoe ka la 11 Pulungoana 2025.

Mobishopo-Mokhethoa Cudjoe eo e saleng a nka leeto la ho ba mohasi oa litaba tse molemo tsa lentsoe la Morena Molimo, ho tla fihla moo kajeno e seng e tla ba molisa Kerekeng ea Morena e ka hohle lefatšeng, o hlahetse Motse-Moholo Accra Naheng ea Ghana ka la 27 Tšitoe 1975, 'me a tlosetsoa Mokhahlelong oa Bopristsa bo Halalelang ka la 30 Phupu 2005.

Nakong ena ea leeto la hae la thomo ea ho ba molisa oa Kereke o sebeletse libakeng tse ngata tse kenyeletsang har'a tse ling St. John Paul II ea Halalelang se Guayaquil e le moprista oa parish, ea e-ba motsamaisi

oa moea Seminaring e Kholo ea Guayaquil, ea boela ea e-ba motlatsi oa mookameli oa Province le ho ba setho se matla se ileng sa theha sehlopha sa Barumuoa ba Lentsoe la Morena Molimo.

Ka 2017 ho isa ho 2023 o ile a sebetsa e le Provincial Superior ea Ecuador le ho ba moprista oa Parish ea Madre de la Iglasia Huasquillas ho fihlela Rabalumeli a mothonyetsa ho ba Mobishopo-Mokhethoa oa Guayaquil. Ho ea ka phatlalatso ea litaba ea CISA Afrika baprista ba Ma-Afrika ba bonahala ba ikakhetse ka setotsoana litabeng tsa ho phetha mosebetsi oa bona oa thomo ea Kereke oa ho jala Evangeli ea Kriste lefatše lohle.

CISA e re Mobishopo-Mokhethoa e mocha o balloa har'a palo e ntse e eketseha ea baprista ba Ma-Afrika ba sebetsang linaheng tse ling tsa lefatše, e le barumuoa ba lentsoe la Morena Molimo, ba nkileng boikarabello bo boholo ba ho ba baetapele le balisa ba mohlape oa Morena Molimo. CISA e etsa mohlala ka e mong oa babishopo ba matla haholo oa Afrika Mohlomphehi Simon Peter Engurait oa Naha

ea Uganda ea sebetsang e le Mobishopo oa Houma-Thibodaux Naheng ea Amerika.

E qetella ka hore Mobishopo-Mokhethoa Cudjoe o boetse o ekelitse lipalo tsa baprista ba Ma-Afrika ba kentseng letsoho le toma boetapeleng ba thomo ea ho phatlalatsoa Evangeli ea Kriste lichabeng tse fapakaneng tsa Makatholike lefatše ka bophara.

-CISA AFRIKA-

Thapelo ea Khotso

Oho Molimo oa toka le khotso, re hlolofatse rona baahi ba Lesotho, 'me u re thuse ho phela khotso le leratong la hao.

"Morena, nketse mosebetsi oa khotso ea hao. Moo lehloeo le leng teng, ke jale lerato. Moo batho ba fosetsaneng, ke jale tsoarelo. Moo lipelaolo li leng teng, ke jale tumelo. Moo batho ba nyahameng pelo, ke jale tšepo. Moo lefifi le leng teng, ke tlise leseli. Moo masoabi a leng teng, ke jale thabo. Molimo oa ka, etsa hore ke se ipatlele ho tšelisoa, ke mpe ke tšelise ba bang. Ke se ipatlele ho utloisisoa, ke mpe ke be ea utloisisang ba bang. Ke se ipatlele ho ratoa, e mpe e be 'na ea ratang ba bang, Hobane ke ka ho fana, re fumanang, ka ho tsoarella, re tsoarelolang. Ka ho shoa, re tsoalloang bophelo bo sa feleng.

Amen."

2024-2025 SELEMO C

MOKETE O MOHOLO OA KRISTE-MORENA



2 Samuel 5:1-3
Pesalema 121
Ba-Kolosse 1:12-20
Luka 23:35-43



Khothatso

Morena oa lefatše lohle

'Muso oa Morena Molimo o phatlalatsoa ka Sontaha sena se koalang Selema sa Kereke, 'me lipalo tsa kajeno e leng ea pele ea 2 Samuele e bua ka tlotso, ebe Pesalema eona e tšelisa sechaba leetong, Thuto ea Bobeli ho tsoa ho Ba-Kolose e phatlalatsoa molao oa lefatše; evangeli ea Luka eona e tsepamisa maikutlo holim'a borena sefapanong; kaofela ha tsona lipalo tsona li fana ka khanya mabapi le boetapele, bohloko 'moho le tšepo. Mokete ona o fa balumeli ho hlaloba bophelo tlasa Borena ba Kriste ha ba emetse ho khutla ha hae, hape o ba eletsa ho bapisa khumamelo, litloaelo le lintho tse bohlokoa le mosa, mohau le bosebetsi.

H'a arabela liqholotso kamor'a Ntoa ea Pele ea Lefatše, Mopapa Pius ka selema sa 1925 o ile a hloma mokete ona ka lengolo la hae le bitsoang Quas Primas, a re borena ke karabo e tla thusa ho kopanya lichaba. Qalong Mokete ona o ne o etsoa ka Sontaha sa ho qetela sa khoeli ea Mphalane, empa ka selema sa 1969 Mopapa Paul VI a fetola alemanaka 'me oa isoa ho sa ho qetela se koalang selema sa Kereke.

Ho Makatholike Mokete o kang ona o moholo haholo, ka hona o tla ketekoa ka mokhoa o khethileng oa borapelo joaloka peho ea Sakramente pontšeng e ka etsoang letsatsi lohle. Ke hona moketeng ona moo bohle re bonang ketso ea ho qetela moo maleme ohle a tla phatlalatsoa le ho amohela hore puso ea Kriste e tla tiisa toka. Mangolo a Halalelang a ruta hore Kriste o tla khutla ka letlotlo la hae ho tla ahlola lefatše ka toka le mohau. Bakriste ha ba utloa thuto ena ba potlaka kapele ho khutla mekhoeng ea bona e mebe ka tšokoloho ea 'nete.

Liparishing tsa rona mona re ka keteka ka ho etsa mesebetsi ea borapeli le bopaki; ka ho rapela u fetoha paki e phelang ea bophelo boo u lakatsang hore batho ba bo phele. Joale beha botšephehi kapele letsatsing lena; ebe ho sebeletsa ba eisehang ho feta bohle u nke e le ho sebeletsa Kriste eo e leng Morena; ka tsela eo lerato le fetoha seikokotelo sa tumelo ho lichaba tsohle.

Le koala selema sa Kereke 'me le bula se seng ka ho bolela Borena ba Kriste, 'me bophelo ba lona bo itšetlehe haholo litabeng tsa ho phatlalatsoa molaetsa o molemo. Phelang mokete ona ka ho etsa lithapelo, borapeli ba lona ebe bo hohelang batho kaha bo tla be bo tletse lerato, tsotello le tšokoloho e tsoang botebong.

Qetello ena e u thuse ho qala hantle le ho itokisetsoa ho tla ha Kriste ka nako ea Advente; amohela borena ba hae e le hore leseae Jesu ha le e-tla u le fe hlompheo eo e le lokelang. Boithlhophe bona bo se fetohle feela ntho ea selema le selema, empa a k'u etse ntho e fapakaneng le ea selema se fetileng. Batla thapelo, mohlomong novena e ka u thusang ho kena nakong ea Advente ka tsela e tletseng borapeli.

Kriste ke Morena oa lefatše lohle, ka hona Bakriste ha ba ka lumela sena o tla tiisa lintho tse ngata tse molemo bophelong ba bona. Joaloka moetsi le mophethisi oa tsohle; o tla fihlisa bophelo ba Mokriste phethehong, a mo fe thabo eo lefatše le ke keng la mo neha eona. Molumeli o tla ithabela ka manoni le matlotlo ohle ao Morena Jesu 'a lokiselitseng bohle ba mo sebeletseng lefatšeng lena.

Ho molemo ke hona ho qalella ho amohela Morena enoa oa Marena, ho sokolohela ho eena ka pelo eohle ea hau. U se ke ua lebala hore nakong eo a neng a phela lefatšeng h'a ka inka e le Morena, empa o ile a iketsa mosebetsi oa bohle. Nka mohlala ona o motle le uena joaloka molateli oa hae, behella boikhabo kathoko; tlama letheke ka lesela 'me u be mosebetsi sechabeng sa heno. Kriste o na rata mafutsana 'moho le bohle ba eisehang sechabeng, hobane o ne a re: "Ba kulang ke bona ba hlokang ngaka." (Matheus 9:12) Etela bakuli haholo ba lipetlele, u ba khothatse ka molaetsa o molemo.

Bahalaleli har'a Beke

- | | | |
|----|------------|---------|
| 24 | Pulungoana | Kanan |
| 25 | Pulungoana | Imma |
| 26 | Pulungoana | Conrad |
| 27 | Pulungoana | Romanus |
| 28 | Pulungoana | Hilary |
| 29 | Pulungoana | Sadwen |

Se bontša boiphihlelo

Tšeliso Thakholi

Lebitso la Sekolo sa Get Together tikolohong ea Ngoatonyane le tla ngoloa libukeng tsa litlholisano tsa Region C tsa bolo ea maoto ea banana, kamor'a hore se ikhapele tholo ka ho tetea likolo tsohle tseo se neng se qothisana lehlokoa le tsona. Litlholisano tsena li ne li tšoaretsoe Ha Pita, Maseru ka la 15 Pulungoana 2025.

Get Together ha e betla tsela ea eona ea ho ea fihla ho makhaola-khang, e ile ea qala pele ka ho tlontlolla le ho hobosa sekolo sa Fika-le-Mohala ka ho se pola ntle ho qenehelo ka phafa ea 11-0, ho seka-makhaola-khang. Ha pejana 'Matikoe eona e ne ile ea rabella Fika-le-Mohala ka thupa ea 3-0. Ka hona lihlopha tsena tse hlotseng tsa nt'o bapala ho makhaola-khang moo Get Together e ile ea tlabola 'Matikoe ka thupa e bohloko ea 1-0 e ikhapelala tholo. Ke hona lipapaling tsena moo khalala ea sehlopha sa Get Together; Puleng Ntaote e ileng ea ikhapela khau ea ho ba mohlaba-lintha ea hloahloa.

Puisanong le e mong oa bakoetlisi ea kentseng letsoho le toma ho atlehisa lipapali tsena, Monghali Tankiso Selialia o boletse hore sepheo se seholo sa lipapali tsena ke ho matlafatsa batho ba basali hohle moo ba leng hona teng. A re lipapali tsena li boetse li kentse morero o moholo oa tlhokomelo le paballo ea tikoloho. "Ka hona metseng moo ba phelang teng sechaba se lokela ho ela hloko ho baballa le ho sireletsa tikoloho." A rialo.

A re ka kotloloho ba sebelisa papali ea bolo ea maoto ho fetisa thuto e matla mabapi le paballo le tlhokomelo ea tikoloho. "Ba etsa ka mekhoha e fapakaneng empa e ka sehlohong ke bolo ea maoto." O boletse joalo a bile a eketsa ka hore lipapali tsena li se li tla bapaloa selemo le selemo.

E re kaha sehlopha sa hae sa LUFa se bapalang liking se e-na le libapali tse ngata sekolong sa Get Together, potsong ea hore na ebe lipapali tsena li mo tsoela molemo ofe joalokaha a se a ntse a bapala liki. O itse litaba tse monate ke hore libapali tsohle tsa hae li kena Sekolo Get Together, "me ke motlotlo haholo ka tlhoko eo kaha e re file boikoetliso bo matla haholo bakeng sa lipapali tsa liki." A eketsa ka hore hajoale o qetile mokhalelo oa pele oa

Liki, 'me sena e ne e le boitokisetso ba ho tla matlafatsa sehlopha ho tla kena mokhahlelong oa bobeli oa lipapali tsa liki le tsa li-play-off.

A re hajoale ke ho itokisetso ho ea bapala li-play-off a se a bile a phunyeletsa ho ea

Lihlopheng tse Kholo tsa Liki ea Basali ea Women Super League. A re lipapali li bile molemo haholo kaha li thusitse libapali tsa hae sebakeng sa ho ikoetlisa le ho lokisa sehlopha mona le mane. "Lipapali tsa litlholisano li fap-

kane haholo le moo re bapalang papali e le 'ngoe feela ka letsatsi empa tsena o tla fumana hore li hlile li ba imela haholo hoo li sisinyang motho hore a bone moo a fokolang sebakeng sa boikoetliso ba hae." A rialo.



A re leha ba bapetse hantle ka ho hapa lipapali tsa bona, h'a ba ka ba fumana monyetla o motle oa boikoetliso ka lebaka la hobane bohoko ba bona ba ne ba ntse ba itokisetse ho ngola lihlahlobo. A etsa mohlala ka hore papali ea bobeli ba e bapetse ho se ho ntse ho bonahala hore matla a felile, empa ka lebaka la bohale le boiphihlelo ba bona ba ile ba ikhapela eona ha bobebe.

A re li ba thusitse haholo hoba ha ba sa tla ba le nako ea ho phomola kaha ka la 29 Pulungoana ke li-play-off. A re ba boetse ba tla ba le letoto le lengata la libapali tsa boitokiso. E be ka Pherekhong isao ba se ba kena leotong la bobeli la Liki. A qetella ka hore o ne a ntse a e-na le libapali tseo a neng a ntse a sa li bapalise ka lebaka la ho itokesetsa lihlahlobo, 'me ba teng hona joale ba ntse ba koetla 'moho. "Ke 'nete leotong lena la bobeli makhalo ohle a neng a le teng a tla be a koalehile. Ke hore feela 'na ke etsa mosebetsi oa ka." Ke Selialia eo.

Roof of Afrika e qalile

Tšeliso Thakholi

Mojao oa selemo le selemo oa lithuthuthu oa Roof of Afrika o bonahalang o ratoa haholo ke Basotho o thakhohile ka ho potoloha ha lithuthuthu kahar'a Motse-Moholo Maseru ka la 19 Pulungoahana monongoaha, moo sechaba se sengata se neng se eme matlotlosia ho boha ha lipalami tsa machaba le tsa Lesotho li tebuka le ho etsa menyakoe ka lithuthuthu.

Ho fapakana le litlholisano tse ling tse ngata tsa machaba, mojao oa Roof of Afrika o fapakana haholo le tsona kaha ho o kenela ho se li-

pehelo tse itseng tseo ho lebeletsoeng hore sebapali se ka li fihlela, empa ona o keneloa feela ke libapali tse nang le talenta le lerato la papali ea lithuthuthu. Lipalami tsena li tlii'o kopana le liphepetso tse ngata haholo ha li tla be li e-hloa lithaba, meepa, metheo, methipoloho le matsaranka-tsaranka a Naha ea Lesotho.

Mohloli ka ho banna ea seng a e-na le lilemo tse robeli a ikhapela mojao ona e leng Wade Young, o teng le monongoaha le mohloli ka ho basali e leng Terri-Lyn Hodge oa Afrika Boroa le eena o teng. Bobeli bona bo bontšitse bo le malala-a-laotsoe ho tla boela bo sireletsa sekola monongoaha. Le ha ho le joalo, ba ti-

isitse hore joaloka papali e 'ngoe le e 'ngoe ho ka 'na ha etsahala mohlolo oa ho hloloa kaha papali ena e se bonolo haholo.

Naha ea Lesotho e emetsoe ke lipalami tse 13 tsa banna feela 'me basali ha ba eo. Tebello ke hore ba tla sebetsa hantle ka ho tlela Naha ea Lesotho tlhlo. Puisanong le e mong oa barati ba papali ena ea neng a bohile ha lipalami li etsa menyakoe kahare ho Motse-Moholo oa Maseru, Tšepo Raseetsa o itse o ikutloa a thabile haholo kaha papali ena ha se tlholisano feela empa e boetse e tlii'o matlafatsa moruo haholo-holo litabeng tsa bohahluli.

O re lipapali tsa mofuta ona kaha li kenella le

metseng e kantle ho litoropo le e ka maluting, sechaba se lokela hore se fuoe monyetla oa ho bapatsa le ho rekisa lihlahisoa tse fapakaneng tsa sona. "Sechaba se phelang metseng mane e lokela hore ebe sona se amohelang baeti, 'me le potoloho ena ea lithuthuthu e ke e etsoe mahaeng koana e seng mona toropong feela." A rialo.

A re papali e boetse e ikhetholla ho tse ling ka ho hlabolla Basotho ba phelang metseng e ka maluting, moo ho seng bonolo haholo hore likoloi li ka fihla. A e thoholetsa ka hore ke eona feela papali kahare ho naha e tsebang ho fihlela sechaba se phelang metseng e ka thoko ho litoropo le e ka maluting a Lesotho e bile e holisa moruo le ho matlafatsa bohahluli.



Ba tla qala tšebetso

Tšeliso Thakholi

E bile thabo le monyaka ka habo Lioli ha sehlopha seo, se ne se amohelela bakoetlisi ba babeli ba bacha e leng motlatsi oa mokoetlisi Monghali Bahla-koana Mohoanyane le mokoetlisi oa lithibathibane Monghali Shokhoe Matsoai. Monghali Mohoanyane eo e neng e le mokoetlisi oa sehlopha se sa tsoa kena lihlopheng tse kholo tsa Vodacom Premier League, o nehelane ka lengolo la ho itokolla sehlopheng sa Maroala libeke li se kae kamor'a hore se makatse barati le batšehetsi ba bolo ea maoto ba bangata ka ho ba sona sehlopha sa pele sa ho hlohlora Lioli ka phafa ea 1-0 lipapaling tsa mokhahlelo oa pele oa liki.

O kena lieteng tse kholo tsa khalala ea mehleng ea sehlopha sa Lioli eo e neng e le motlatsi oa mokoetlisi e leng Monghali Shetsane Ramoseka. O tliil'o sebetsa 'moho le mokoetlisi Bongani Maseko ea neng a ntse a tšoarisane tšebetso ha nakoana le Benghali Mohaila

Letseka le Motlalepula Mofolo. Haele Monghali Shokhoe Matsoai o kena bokoetlising ba lithibathibane, libekeng tse peli kamor'a hore sehlopha sa Lioli se amohele Monghali Aubrey Vilakazi ho hlaha Naheng ea Afrika Boroa e le mokoetlisi oa lithibathibane empa matsatsi a se makae pele a qala mosebetsi oa hae o ile a tlelehoa a khutletse ha habo ka mabaka a potlakileng. Litlaleho li supa hore kamor'a hore Vilakazi a kene

tumellanong le botsamaisi ba Lioli a ile a tšepisoa ka sekhukhu bokhothokhotho ba moputso ke se seng sa lihlopha tsa Afrika Boroa se bapalang Liking ea Motsepe Foundation, 'me a leba hona teng. Pejana ho Shokhoe sehlopha sa Lioli se ne se ile sa arohana le mokoetlisi oa lithibathibane e leng Pholoso Kere kamor'a ho bapala lipapali tsa CAF Champions League, 'me le eena a ntse a fumane mosebetsi oa bokoetlisi Naheng ea Afrika Boroa.

Bakoetlisi bana ba bacha ba fihla kahare ho sehlopha sa Lioli, se le maemong a botšelela ka lipapali tse hlano, sa hlola tse tharo sa lahlehelo ke tse peli, 'me se na le lintlha-khoho tse robong. Ho fihlela hajoale Lioli ke sehlopha sa boraro Liking e Khoho se e-s'o bapale ka ho lekana ha tse peli e le LDF 'Sohle-Sohle' e boemong ba bo-12 le Liphakoe e boemong ba bo-13. Ho sa le joalo, Komiti e Khoho le Tsamaisang Lihlopha tsa Liki (PLMC) e

ahlotse sehlopha sa Lioli ho lefa chelete e kalo ka M10,000.00, 'me ea fanyeha M5,000.00 kamor'a hore batšehetsi ba sona ba fumanoa ba le molato oa ho bontša boitšoarano bo seng bottle ka ho akhela linthoana-nthoana ka lebaleng kamor'a hore ho be le qoaketsano ea libapali tse peli, papaling ea bona le Linare e le 'mapala-morao oa Linare Mofokeng Lebusetsa ea ileng a phahamisetsana makotofa le mohlaba-lintlha ea kotsi oa Lioli e leng Tholang Makuru metsotsong ea ho qetela ea papali eo. Ke ha batšehetsi ba tla tsoa taolong ho baka morusu.



Liphakoe e tla amohela Lioli

Tšeliso Thakholi

Kamor'a ho chechisoa ha lipapali tsa Liki e Khoho mafelong a beke e fetileng, kaha e ne e le beke ea FIFA ea ho khafutsa ha lipapali le ho fa Sehlopha sa Naha sa Likuena monyetla oa ho bapala lipapali tsa sona tsa Machaba tsa setsoalle le sa Malawi, mafelong ana a beke sehlopha sa Liphakoe se bonahalang se e-s'o

ikatele ho lekana, ha tse ling tsona li se li ntse li qalelletse ho roalla le sa sele, se tliil'o amohela bompoli ba liki e leng Lioli 'Tse Nala.' Matsatsing ana sehlopha sa Liphakoe se ileng sa tuma ka papali ea sona e tsoileng matsoho, se bonahala se theohile haholo kaha se maemong a bo-13, se hlahlangoa ke lihlopha tse peli tse ncha tse neng li sa tsoa kena Liking e Khoho ea Vodacom boemong ba bo-14 le 15 e leng Members le Maroala ka tatellano. Athe

ka qetellong ke Manonyane. Liphakoe e tliil'o amohelela bompoli tjena e bapetse lipapali tse tšeletseng, ea hlola tse peli feela, 'me ea lahlehelo ke tse 'ne. E bokelelitse lintlha-khoho tse tšeletseng ka khetsing. Ho bua 'nete Liphakoe e tliil'o kopana le sehlopha se matla haholo seo e ntseng e le sona feela se seng se hapile Liki e Khoho makhetlo a mararo a latellanang. Morao tjena se hahar'a mehope eohle eo se kopanang le eona.

Lioli selemong sena ha e batle ho bona mohope ho hang kaha ha o qala o hlaha feela e fofela ka ona habo eona Ha 'Mamathe. Mathoasong a selemo sena e se e hapile Mohope oa Maluti Mountain Cement ha e ne e shapa Matlama ka phafa e bohloko ea 1-0 lipapaling tsa makhaola-khang, moo Matlama e neng e qetelle e ahlotsoe chelete e kalo ka M20,000.00, ha fenyehoa M10,000.00 kamor'a hore batšehetsi ba eona ba bake mefere-fere.

phahame haholo kaha sehlopha ka seng se batla ho ba kahar'a tse 'ne tse ka holumo lokong, ha tse ling li sebeletsa hore e tle e re ha lipapali li fihla pheletsong tsa be li balehile selepe. Lintlha tse seng li bokeletsoe ke lihlopha li fokola haholo ho latela lipapali tse seng li li bapetse. Sena ke mohlala o hlakileng oa hore ho hlaba lintlha lihlopheng tse khoho e sa ntse e le bothata ba kobo ea khomo.

Sena se bonahala haholo ha libapali li khethetsoe sehlopheng sa naha. Ho sa le joalo lihlopha tse ling tseo lipapali tsa tsona li ileng tsa chechisoa tse tliil'o bapala mafelong ana a beke ke moo ka Moqebelo Manonyane e tla bapala le Matlama, Bantu e bapale le Members. Ka Sontaha Majantja eo e ntseng e le eona e li hulang pele lokong e tla bapala le Maroala.

Ha Machokha e ntseng e le metopa ea ho shapuo ke Lijabatho e tla amohela LDF, LU e sa tsoa teteke ke Bantu 4-1 e bapale le Lijabatho, Lifofane e momane le LMPS ebe Linare e nkana le LCS. Sehlopha se qalang pele lebaka le la sona.

